

**Pul talabnomasidan boshqa shaxs foydasiga voz kechish
evaziga moliyalash (Faktoring) shartnomasi**
№ _____

(tuzilgan shahar)

(sana)

Chet el kapitali ishtirokidagi "Hamkorbank" ATB (bundan buyon matnda «**Moliya agent**» deb nomlanadi) nomidan _____ yildagi № _____ - sonli ishonchnoma asosida harakat qiluvchi bankning _____ boshqaruvchisi/BXO boshlig'i _____ bir tarafdin va _____ nomidan jamiyat ustavi/nizomi/ asosida (bundan buyon matnda «**Mijoz**» deb yuritiluvchi) harakat qiluvchi jamiyat rahbari/bosh direktori _____ ikkinchi tarafdin hamda _____ nomidan jamiyat ustavi/nizomi/ asosida (bundan buyon matnda «**Qarzdor**» deb yuritiluvchi) harakat qiluvchi jamiyat rahbari/bosh direktori _____ uchinchi tarafdin ushbu Faktoring shartnomani (bundan buyon matnda shartnoma deb yuritiladi) quyidagilar to'g'risida tuzdilar:

1. Ta'riflar

1.1 Ushbu Shartnomaning barcha matnlarida (kontekstdan kelib chiqib yoki boshqa ta'rif keltirilgan vaziyatlar bundan mustasno) ushbu bo'limda keltirilgan atamalar quyidagi ma'nolarga ega:

1.1.1 **faktoring summasi** – pul talabnomasidan boshqa shaxs foydasiga voz kechilayotgan jami summa.

1.1.2 **diskont** – ko'rsatilayotgan faktoring xizmati evaziga Moliya agenti tomonidan faktoring muddatidan va moliyalashtirilayotgan summadan kelib chiqib hisoblanadigan daromad bo'lib (faktoring xizmati mukofoti), mijozga to'lanadigan summadan ushlab qolinadi.

1.1.3 **moliyalash summasi** – faktoring summasida diskont summasini chegirgan holda Mijozga o'tkaziladigan summa.

1.1.4 **regress huquqi bilan** – faktoring to'lovlarini qaytarilishida Mijoz, Moliya agenti oldi kafolatchi bo'lib, barcha majburiyatlar bajarilishini o'z zimmasiga oladi, Qarzdor tomonidan faktoring muddatida to'lov to'lanmaganda, Moliya agenti faktoring bo'yicha barcha to'lovlarni Mijozdan solidar tartibda undirib olishga haqli bo'ladi.

1.1.5 **faktoring (xizmati)** – Moliya agentining ushbu shartnomaga asosan Mijozning mavjud pul talabi (debitorlik qarzi) dan voz kechish evaziga moliyalashtirish xizmati.

1.1.6 **qarzdor** – Mijoz tomonidan yetkazib berilgan mahsulot (ko'rsatgan xizmatlar, bajarish ishlar va b.) uchun to'lovni amalga oshirish kerak bo'lgan xo'jalik yurituvchi subyekt.

1.1.7 **Kontrakt yoki shartnoma** – Mijozning mahsulot sotish (xizmat ko'rsatish va b.) bo'yicha tuzilgan va u bo'yicha debitor qarzdorligi mavjud bo'lgan shartnoma.

2. Shartnoma predmeti

2.1 Mijoz va Qarzdor o'rtasida “ _____ ” yilda tuzilgan _____ -sonli _____ kontrakt/shartnoma bo'yicha Qarzdor tomonidan tan olingan va to'lanmagan to'lovni talab qilish huquqi Moliya agentiga **regress huquqi bilan** o'tadi. Talab qilish huquqining Moliya agentiga o'tishi natijasida Moliya agenti mazkur badda ko'rsatilgan kontrakt bo'yicha Mijozning o'rniga kreditor bo'ladi va Qarzdordan to'lovni amalga oshirishni talab qilish huquqiga ega bo'ladi

2.2 Faktoring xizmati _____ (_____) kun muddatga, ya'ni _____.20__ yilga qadar ko'rsatiladi.

3. Shartnoma bahosi

3.1 Moliya agenti Mijozga boshqa shaxs foydasiga voz kechilgan pul talabnomasining 100 foizini tashkil etuvchi _____ (_____) so'm miqdorida faktoring xizmatini ko'rsatadi va undan _____ (_____) so'mdan iborat diskont summasini chegirgan holda, qolgan moliyalash summasini Mijozning bank hisob raqamiga o'tkazib beradi.

3.2 faktoring hisobidan moliyalashtirish summasi Mijozning "to'lov topshiriqnomasi" asosida, uning bank hisob raqamiga o'tkaziladi.

3.3 faktoring so'ndirilishi Mijoz yoki Qarzdor "to'lov topshiriqnomasi", Moliya agenti tomonidan mustaqil holda "memorial order" orqali yoki akseptsiz "to'lov talabnomasi" orqali amalga oshiriladi.

4. Tasdiqlash va kafolatlar berish

4.1 Mijoz va Qarzdor yuridik shaxs-tadbirkorlik subyekti bo'lib, O'zbekiston Respublikasining qonunchiligiga muvofiq tashkil etilgan/ro'yxatdan o'tkazilgan, o'z faoliyatini amalga oshirish uchun zarur bo'lgan huquqiy layoqatga ega.

4.2 Mijoz va Qarzdor Moliya agentga taqdim etgan ushbu shartnomani tuzish bilan bog'liq bo'lgan zaruriy hujjatlar haqiqiyligi, ma'lumotlarning ishonchligi va hujjatlarning nusxalari asliga to'g'riligini kafolatlaydi.

4.3 Qarzdor va Mijoz muddati o'tgan qarzlarining yo'qligini kafolatlaydi.

4.4 Shartnoma tuzayotgan vaqtda, Mijoz va Qarzdor xato fikrlar, yolg'on, zo'ravonlik, tahdidlar, yomon niyatli kelishuv yoki og'ir holatlarning to'g'ri kelib qolishi ta'sirida emasligini tasdiqlaydi.

4.5 Tasdiqlash va kafolatlar berish bo'limiga, Mijoz va Qarzdor to'liq amal qilishi lozim. Ushbu bo'limga amal qilinmagan yoki lozim darajada amal qilinmagan taqdirda moliya agenti Mijozga faktoring xizmati ko'rsatishdan bosh tortishga haqli.

4.6 Mijoz va Qarzdor bilan aloqa bog'lash usuli: mazkur shartnomaning 15-bobida ko'rsatib o'tilgan rekvizitlar, Mijozning yuridik manzili _____, telefon raqami: _____ (vakilning uyali aloqa raqami), Qarzdorning yuridik manzili _____ telefon raqami: _____ (vakilning uyali aloqa raqami).

4.7 Moliya agenti bilan aloqa bog'lash usuli: mazkur shartnomaning 15-bobida ko'rsatib o'tilgan rekvizitlar, 0 800 1 200 200 hamda 1256 (pullik) raqamlar.

4.8 Moliya agenti oldida Qarzdorning majburiyatlari, barcha to'lovlari yuzasidan Mijoz Qarzdor bilan birdek (solidar) to'liq javobgar va mas'ulligini tasdiqlaydi.

5. Mijozning huquq va majburiyatlari

5.1 Mijoz quyidagi huquqlarga ega:

5.1.1 faktoringdan foydalanish, uni so'ndirish bilan bog'liq masalalar bo'yicha Moliya agentiga murojaat qilish;

5.1.2 faktoring hisobiga olingan mablag'lardan Mijoz istalgan maqsadlarda foydalanishi mumkin.

5.1.3 shartnoma va qo'shimcha shartnomalarni imzo qo'ymasdan oldin tanishib chiqishi uchun o'zi bilan olib ketish;

5.1.4 ushbu shartnoma tuzilgandan keyin pul mablag'lari tegishli tartibda o'tkazilgunga qadar faktoring xizmatidan bepul asosda voz kechish;

5.1.5 faktoring ajratish jarayoni yuzasidan qonun hujjatlarida belgilangan talab va qoidalar to'g'risida Moliya agentidan maslahatlar olish;

5.1.6 Moliya agenti tomonidan shartnomada ko'zda tutilgan faktoring uzrli sabablarsiz yoki kechiktirib ajratilgani uchun neustoyka to'lashni talab qilish;

5.1.7 faktoring hisob raqamidagi aylanmalar to'g'risida ma'lumotlar olish;

5.1.8 qonun hujjatlarida belgilangan nizoni sudgacha hal qilish usullarini, shu jumladan muzokaralar o'tkazish orqali, qo'llash.

5.1.9 Mijoz tomonidan istalgan vaqtda faktoring summasini muddatidan oldin so'ndirish (jarima sanksiyalari mavjud emas).

5.2 Mijozning majburiyatlari quyidagilar:

5.2.1 Mijoz tomonidan shartnomadagi majburiyatlarni bajarilishi ta'minlash uchun quyidagi ta'minot yoki ta'minotlarni taqdim etish majburiyatini oladi (**garov va/yoki kafillik**):

a) _____;

5.2.2 Mijoz o'zining sof aktivlari qiymatining 10 % miqdoriga teng va undan yuqori tovarlar, ishlar va xizmatlar (shu jumladan moliyaviy majburiyatlar: lizing, qarz va kredit shartnomalari, kafillik va garov) bilan bog'liq bo'lgan bitimlar tuzishdan oldin Moliya agentini xabardor qiladi;

5.2.3 Faktoring muddatida, Moliya agentiga Qarzdor tomonidan to'lov jadvali (1-ilova)ga asosan to'langan pul mablag'lari, ushbu shartnomaga asosan to'lovni talab qilish huquqi olingan jami summasidan kam bo'lib chiqsa, Mijoz qarzning qoldig'i uchun solidar tartibda javobgar bo'ladi;

5.2.4 Ushbu shartnomaning 2-ilovasidagi "Moliya agenti foydasiga voz kechilgan pul talabnomalari reestri (xabarnoma)"da Qarzdorning imzo qo'yib tasdiqlashi pul talabnomasini va faktoringni akseptlash hisoblanadi;

5.2.5 O'zbekiston Respublikasi Jinoiy faoliyatdan olingan daromadlarni legallashtirishga va terrorizmni moliyalashtirishga qarshi kurashish bilan bog'liq qonunchilik hujjatlarida nazarda tutilgan hollarda, moliya agentining so'roviga asosan ma'lumot/hujjat, tushuntirish taqdim qilish.

5.2.6 Ushbu shartnomaga asosan Qarzdorning Moliya agent oldidagi majburiyatlarni, ya'ni to'lashi lozim bo'lgan pul mablag'larini (shu jumladan oyma oy) Qarzdor tomonidan o'z vaqtida to'lanmagan taqdirda Mijoz tomonidan Moliya agentga to'lab berish, bu holatda Mijozning hisob raqamida mablag'lari etarli bo'lmagan taqdirda Moliya agentiga qonunchilikda belgilangan tartibda unga tegishli bo'lgan barcha banklardagi hisob raqamidan pul mablag'larni akseptsiz hisobdan chiqarish(undirish) huquqini beradi;

5.2.7 Mijoz ushbu shartnomaga ko'ra, Qarzdor pul talabnomasini o'z vaqtida ijro qilmasa, Moliya agenti oldida Qarzdor bilan birgalikda solidar tartibda javobgar ekanligini ushbu shartnomani imzolash orqali tasdiqlaydi.

5.2.8 Faktoring summasi qaytarilmagunga qadar Mijoz o'z mablag'lari (kapitali) kamayishiga olib keladigan operatsiyalarni (dividend to'lash, ustav kapitalini kamaytirish va boshqalar) Moliya agentining tegishli roziligini olgandan so'nggina amalga oshiradi.

5.2.9 Qarzdor, shartnomaga asosan voz kechilgan pul talabi bo'yicha Mijozning bankdagi talab qilib olinguncha hisob raqamiga to'lov amalga oshirgan taqdirda, Mijoz ushbu mablag'ni kelib tushgandan so'ng 1 (bir) bank ish kuni ichida to'liq faktoring bo'yicha qarzdorlikni so'ndirishga yo'naltiradi. Bunda faktoring summasining qisman muddatdan avval so'ndirilishi diskont summasini qayta hisob-kitob qilishga asos bo'lmaydi.

5.2.10 Moliya Agentiga, shartnoma bo'yicha to'lanishi kerak bo'lgan summa belgilangan muddatlarda to'lanmasa ushbu summani va unga qo'shimcha hisoblangan jarima to'lovlarni (penya va b.) Mijozning mavjud yoki kelgusida ochiladigan barcha bank hisob raqamlaridan, Moliya agenti tomonidan akseptsiz yechib olishiga, bunga Mijoz ushbu Shartnoma tuzish bilan roziligini bildiradi.

6. Qarzdorning huquq va majburiyatlari

6.1 Qarzdor quyidagi huquqlarga ega:

6.1.1 Faktoring bo'yicha qarzdorlikni so'ndirish bilan bog'liq masalalar bo'yicha Moliya agentiga murojaat qilish;

6.1.2 shartnoma va qo'shimcha shartnomalarni imzo qo'ymasdan oldin tanishib chiqishi uchun o'zi bilan olib ketish;

6.1.3 Mijoz tomonidan Qarzdorga nisbatan o'z majburiyatlari bajarmaganligi yoki lozim darajada bajarmaganligi oqibatida qaytarilishini talab qilishi mumkin bo'lgan har qanday pul majburiyatlarini kimga to'laganligidan qat'iy nazar Moliya agentdan talab qilmaydi balki Mijozdan talab qiladi;

6.1.4 qonun hujjatlarida belgilangan nizoni sudgacha hal qilish usullarini, shu jumladan muzokaralar o'tkazish orqali, qo'llash.

6.2 Qarzdorning majburiyatlari quyidagilar:

6.2.1 Mijoz va Qarzdor o'rtasida "____" _____ 20__yilda tuzilgan _____-sonli kontrakt/shartnoma bo'yicha _____ so'm miqdoridagi qarzdorlikni to'liq tan oladi va mazkur shartnoma asosida ushbu qarzdorlik bo'yicha to'lovni talab qilish huquqi Moliya agentiga o'tganligini tan olib shartnomaning ajralmas qismi hisoblangan to'lov jadvali (1-ilova) asosida so'zsiz tartibda to'lab beriladi. Agar qarzdorlikni to'lash muddati kechiktirilgan taqdirda o'zining asosiy va ikkilamchi hisob raqamlariga to'lov talabnomasi bilan so'zsiz (akseptsiz) tartibda undirib olinishiga o'z roziligini bildiradi.

6.2.2 Qarzdorlik to'lash bo'yicha to'lov jadvaliga (1-ilova) asosan belgilangan muddatlarda jami _____(_____) so'm miqdoridagi faktoring summasini Moliya agentiga to'lab berish;

6.2.3 Faktoring bo'yicha to'lovlar muddatida amalga oshirilmagan taqdirda Qarzdor Moliya agentiga qonunchilikda belgilangan tartibda unga tegishli bo'lgan barcha banklardagi hisob raqamidan pul mablag'larni akseptsiz hisobdan chiqarish(undirish) huquqini beradi;

6.2.4 Majburiyatlar ushbu shartnoma bo'yicha o'z vaqtida qaytarilmagan taqdirda, muddati o'tgan har bir kun uchun moliya agenti tomonidan hisoblangan neustoykalarni (penya) to'lab berish;

6.2.5 O'zbekiston Respublikasi Jinoiy faoliyatdan olingan daromadlarni legallashtirishga va terrorizmni moliyalashtirishga qarshi kurashish bilan bog'liq qonunchilik hujjatlarida nazarda tutilgan hollarda, moliya agentining so'roviga asosan ma'lumot/hujjat, tushuntirish taqdim qilish.

6.2.6 Qarzdor o'z mablag'lari (kapitali) kamayishiga olib keladigan operatsiyalarni (dividend to'lash, ustav kapitalini kamaytirish va boshqalar) Moliya agentining tegishli roziligini olgandan so'nggina amalga oshiradi.

7. Moliya agentining huquq va majburiyatlari

7.1 Moliya agenti quyidagi huquqlarga ega:

a) Mijozga faktoring summasidan diskont summasini chegirgan holda moliyalash summasini taqdim etish;

b) Faktoringni so'ngdirish uchun to'lovni Mijoz va Qarzdorning to'lov topshiriqnomasi yoki muddati kelganda Moliya agenti tomonidan mustaqil holda memorial orderi orqali yechib olish.

c) Shartnomaning 1 va 2- ilovalari barcha tomonlar tarafidan imzo/akseptlanmagan holda, faktoring bo'yicha mablag'larni o'tkazmaslik;

d) Mijozdan pul talabnomasining haqiqiyligini tegishli hujjatlar asosida isbotlab berishni talab qilish;

e) Qarzdor tomonidan to'lov talabnoma bo'yicha majburiyatlar bajarilmagan yoki tegishli darajada bajarilmagan taqdirda Qarzdorga nisbatan amaldagi qonunchilikka asosan da'vo qo'zg'atish;

f) Moliya agentiga pul talabnomasini topshirish huquqi berilgandan so'ng, Qarzdor bu huquqni bajarmaslikka haqli bo'ladigan vaziyatlardan bexabar bo'lsa, boshqa shaxs foydasiga voz

kechish narsasi bo'lgan pul talabnomasiga nisbatan huquqini saqlab qolish;

g) Mijozni lozim darajada tekshirish bilan bog'liq bo'lgan to'liq yoki qisman xorijiy tilda tuzilgan hujjatlar davlat tiliga yoki rus tiliga tarjimasini bilan talab qilish, gumonli va (yoki) shubhali operatsiyalar alomatlari mavjud operatsiyalar bajarilganda operatsiya haqidagi qo'shimcha ma'lumotlarni, jumladan pul mablag'lari manbalari to'g'risidagi ma'lumotlarni olish yuzasidan Mijozga murojaat qilish hamda taqdim qilingan hujjatlar nusxalarining to'g'riligiga gumon yoki boshqa zarurat paydo bo'lgan taqdirda, tanishish uchun hujjatlarning asl nusxalari taqdim qilinishini talab qilish;

h) Qarzdor yoki Mijozlarni ogohlantirmasdan pul talabnomasidan boshqa shaxs foydasiga voz kechish huquqini boshqa shaxslarga har qanday usulda o'tkazish;

i) Mazkur shartnomada belgilangan to'lovlar o'z vaqtida to'liq amalga oshirilmagan taqdirda kechiktirilayotgan mablag'larni Mijoz va Qarzdordan akseptsiz talabnoma qo'yish orqali undirish shu bilan birga barcha undirish choralari ko'rishga haqli;

j) Mijoz tomonidan atayin noto'g'ri bo'lgan hujjatlar taqdim etilganda yoki qonun hujjatlariga muvofiq so'raladigan hujjatlar taqdim etilmaganda, Mijoz joylashgan yeri (pochta manzili) bo'yicha o'rganish, yuridik shaxs Mijozning boshqaruv organi yoki yuridik shaxs nomidan ishonchnomasiz faoliyat ko'rsatish huquqiga ega bo'lgan shaxs o'zining joylashgan yeri (pochta manzili) bo'yicha mavjud bo'lmaganida hamda jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurolini tarqatishni moliyalashtirishga qarshi kurashish to'g'risidagi qonun hujjatlarida belgilangan hollarda faktoring amaliyotini to'xtatib qo'yish.

k) Shartnomaga asosan yon berilgan talabnomalar (hisob faktura va b.) bo'yicha ma'lumotni (xabarnoma va/yoki bildirishnoma)larni garov reestriga kiritish.

7.2 Moliya agentining majburiyatlari quyidagilar:

a) Pul mablag'larini mazkur shartnoma bo'yicha huquqlar vujudga kelgandan so'ng hamda vujudga kelgan huquqlarni tasdiqlovchi hujjatlar Mijoz tomonidan taqdim qilingach 5 (besh) bank ish kuni davomida Mijozning talab qilib olguncha depozit hisob raqamiga o'tkazib berish;

b) Shartnomaga asosan pul talab qilish huquqi olingan summadan va unga hisoblangan jarima, qo'shimcha to'lovlardan ortib qolgan summani Mijozga qaytaradi.

8. Shartnoma bo'yicha javobgarlik

8.1 Moliya agenti faktoring to'lovlarini asossiz ravishda o'z vaqtida amalga oshirmagan taqdirda to'lov kechikkan har bir kun uchun Mijozga 0,2 foiz hajmida penya to'laydi. To'lanishi lozim bo'lgan penya miqdori bajarilmagan yoki lozim darajada bajarilmagan majburiyatning 50 foizidan oshib ketmasligi lozim.

8.2 Mijoz va Qarzdor tomonidan shartnoma bo'yicha o'z zimmasiga olgan majburiyatlarni o'z vaqtida bajarmagan yoki lozim darajada bajarmaganligi uchun, ya'ni Qarzdor tomonidan faktoring muddatida to'lov talabnomasi qoplanmagan qismiga nisbatan har bir kun uchun Moliya agentiga 0,2 % miqdorida penya to'laydi. To'lanishi lozim bo'lgan penya miqdori bajarilmagan yoki lozim darajada bajarilmagan majburiyatning 50 foizidan oshib ketmasligi lozim.

8.3 Mazkur shartnomada nazarda tutilgan hollarda Mijoz yoki Qarzdor tomonidan Moliya agentiga zarur bo'lgan ma'lumotlarni/hujjatlarni taqdim etmaslik, majburiyatlarini lozim darajada bajarmaslik, bo'yin tovlash kabi holatlar yuz berganda, moliya agenti moliyaviy operatsiyalarni amalga oshirishni rad etishga, voz kechishga bekor qilishga yoki mavjud aloqa kanallari orqali 3 (uch) ish kuni oldin ogohlantirgan holda shartnomani bir taraflama bekor qilishga haqlidir.

9. Alohida shartlar

9.1 Pul talabnomasidan boshqa shaxs foydasiga voz kechish shartlari, talab qilinadigan pul summasi o'zgargan hollarda tomonlar bir-birlariga oldindan xabar beradilar. Bunda faktoring shartnomasiga qo'shimcha kelishuv tuziladi. Agar Mijoz/Qarzdor mazkur holatda shartnomani o'zgartirish yoki qo'shimcha kiritishdan bosh tortgan tadirda, Moliya agentiga to'lanishi lozim bo'lgan pul mablag'lari o'zgarmaydi.

9.2 Tomonlarning joylashgan manzili yoki taraflarni shartnomani bajarishga jiddiy ravishda ta'sir qiluvchi ma'lumotlar o'zgarsa, tomonlar bu haqda bir-birlarini xabardor qilishlari shart.

9.3 Shartnoma shartlarini bajarish yuzasidan kelishmovchiliklar chiqqan taqdirda kelishmovchiliklar o'zaro kelishuv yo'li bilan hal qilinadi. Yagona kelishuvga erishilmagan hollarda tomonlar bir-birlarini xabardor qilib, vakolatli sudlarga murojaat etishlari mumkin.

9.4 Shartnomaning amal qilishi quyidagi hollarda to'xtalishi yoki bekor qilinishi mumkin:

- a) tomonlarning o'zaro kelishuviga muvofiq;
- b) sud qaroriga asosan;
- c) moliya agenti tashabbusi bilan, agar Mijoz yoki Qarzdor tomonidan shartnoma shartlari buzilsa.

9.5 Shartnoma bo'yicha qarzdor tomonidan to'lov qisman muddatidan oldin so'ndirilishi munosabati bilan to'lovlarni amalga oshirish sanalari va oraliq to'lovlarining miqdorlari o'zgarganda Moliya agenti to'lov jadvalini yangidan rasmiylashtirib, qarzdorga taqdim qilishi lozim. Bunda, faktoring to'lov jadvali (1-ilova) yangidan rasmiylashtirilishi bilan undan oldin mavjud bo'lgan to'lov jadvali o'z kuchini yo'qotadi.

10. Boshqa shartlar

10.1 Mijoz tomonidan ma'lumot so'rab yozilgan tegishli murojaati bankda ro'yxatdan o'tkazilgan kundan boshlab besh ish kuni ichida Mijoz tomonidan berilgan ariza va unga faktoring xizmati ko'rsatilganligini tasdiqlovchi hujjat hamda bir ish kuni ichida faktoring shartnomasi bo'yicha Mijoz tomonidan majburiyatlari to'liq bajarilganligini tasdiqlovchi hujjat taqdim etiladi.

10.2 Tomonlar, ularning affillangan shaxslari, xodimlari yoki boshqa ishtirokchilari ushbu shartnoma shartlarini bajarishda ikkinchi tomonning qaror qabul qilishiga ta'sir o'tkazish maqsadida bevosita yoki bilvosita pul mablag'lari, qimmatliklar yoki xizmatlar taklif qilishi, berishi, taqdim etishi taqiqlanadi.

10.3 Tomonlar, ularning affillangan shaxslari, xodimlari yoki boshqa ishtirokchilari ushbu shartnoma shartlarini bajarishda qaror qabul qilishiga ta'sir o'tkazish maqsadida shartnomaning boshqa ishtirokchilari tomonidan bevosita yoki bilvosita pul mablag'lari, qimmatliklar yoki xizmatlar taqdim etish bo'yicha taklifini rad qilishi lozim.

10.4 Agar shartnoma ishtirokchilarida ushbu shartnoma shartlarini bajarish bilan bog'liq korrupsion harakat sodir etilganligi to'g'risida ma'lumot, shubha, shubhaga asos bo'luvchi dalilga ega bo'lsa, bu to'g'risida ikkinchi tomonga yozma shaklda xabar berish majburiyatini oladi.

10.5 Xabarni olgan tomon haqiqatda korrupsion harakat sodir etilmaganligini yoki sodir etilmasligi to'g'risida tasdiqqa ega bo'lgunicha ushbu shartnoma bo'yicha o'z majburiyatlarini bajarishni to'xtatib turish huquqiga ega.

10.6 Pora berish evaziga ikkinchi tomon vakilini, affillangan shaxsini, xodimini yoki shartnomaning boshqa ishtirokchilarini shartnoma shartlarini bajarishda o'ziga og'dirib olgan tomon ikkinchi tomonga yetkazilgan zararlarni qoplab berish majburiyatini oladi.

10.7 Shartnoma bajarilishida taraflar mazkur shartnoma shartlariga hamda O'zbekiston Respublikasining qonun hujjatlariga tayanishadi.

10.8 Mijozga bank xizmatini taklif qilish maqsadida ushbu shartnomaning amal qilish muddati davomida, shuningdek shartnoma muddati tugagandan so'ng 1 yil mobaynida Mijoz va Qarzdorning

har qanday manbalardagi ma'lumotini olib qayta ishlagan holda tahlil o'tkazishga Mijoz va Qarzdor o'z roziligini beradi.

10.9 Mijoz va Qarzdor shartnoma asosida faktoring qarzdorliklari bo'yicha telefon qo'ng'iroqlari qilinishiga, SMS-xabarnomalarni uyali telefon raqamlariga, shuningdek Mijoz va Qarzdor bergan boshqa yashash manzillarga yuborilishiga rozilik beradi.

11. Shartnomaning kuchga kirishi, o'zgartirish va bekor qilish tartibi

11.1 Mazkur shartnoma bir xil yuridik kuchga ega bo'lgan uch nusxada tuzilib, shartnomaning bir nusxasi Moliya agentida, ikkinchi nusxasi Mijozda va uchinchi nusxasi Qarzdorda saqlanadi. Mijoz, Qarzdor yoki ularning vakolatli vakillariga shartnoma imzolangan kunda shartnomaning bittadan asl nusxalari taqdim etiladi.

11.2 Shartnoma barcha taraflar tomonidan imzolangan paytdan boshlab kuchga kiradi va taraflar tomonidan majburiyatlar to'liq bajarilgunga qadar amal qiladi.

11.3 Shartnomaga kiritilayotgan barcha o'zgarish va qo'shimchalar yozma shaklda shartnomaga tegishli o'zgartirish va qo'shimchalar kiritish haqidagi kelishuvni tuzish orqali rasmiylashtiriladi.

12. Maxfiylik

12.1 Shartnomani tuzish va bajarish vaqtida taraflar bir-biridan olgan barcha ma'lumotlar maxfiy axborotlar deb tan olinadi.

12.2 Shartnomani tuzish va shartnomadan kelib chiqadigan majburiyatlarni bajarish chog'ida boshqa tarafning tijorat siri hisoblangan maxfiy axborotlar va ma'lumotlarni axborot egasining yozma rozilgisiz oshkor qilmaslik majburiyatini oladi.

12.3 Mazkur talab shartnomaning amal qilish muddatiga hamda shartnoma muddati tugagan vaqtdan boshlab 3 yil davomida amal qiladi.

12.4 Ushbu talablarni buzgan taraf buning oqibatida boshqa tarafga yetkazilgan barcha zararni to'liq hajmda qoplaydi.

12.5 Moliya agenti o'z huquqlari va manfaatlari yoki ularni himoya qilish maqsadida, Mijoz moliya agentiga o'zi va Qarzdor to'g'risidagi har qanday ma'lumotlarni uchinchi shaxslarga oshkor etish (topshirish) uchun so'zsiz roziligini bildirgan hisoblanadi.

12.6 Mijoz, Qarzdor Moliya agentiga shartnomada ko'rsatilgan yoki shartnoma tuzilishi va bajarilishida taqdim etgan o'zining barcha ma'lumotlari bilan ishlash va topshirishga mazkur shartnomaga asosan roziligini tasdiqlaydi. Shu jumladan, shartnoma bo'yicha huquqiy vorislik tartibida yoki moliya agent tomonidan uchinchi shaxslar bilan mazkur shartnomadagi huquqlari boshqa shaxs foydasiga voz kechish shartnomasi tuzilgan taqdirda moliya agentining huquq va majburiyatlari boshqa shaxsga o'tadi, ularni uchinchi shaxsga topshirishga ham rozilik beradi.

13. Fors-major

13.1 Yengib bo'lmaydigan kuchlar (fors-major) holatlari - bu tomonlarning irodasi, xohishi va faoliyatlariga bog'liq bo'lmagan tabiat hodisalari (zilzila, ko'chki, bo'ron, qurg'oqchilik va boshqalar), ijtimoiy-iqtisodiy holatlar (urush holati, qamal, davlat manfaatlarini ko'zlab import va eksportni taqiqlash va boshqalar), xalqaro, banklararo va bankning elektron to'lov hamda ta'minot tizimidagi nosozlik, bankning dasturiy ta'minot tizimiga qilingan tahdid (uchinchi shaxslar tomonidan qilingan hujumlar) sababli yuzaga kelgan sharoitlarda tomonlarga qabul qilingan majburiyatlarni bajarish imkonini bermaydigan favqulodda, oldini olib bo'lmaydigan va kutilmagan holatlardir.

13.2 Fors-major holatlari yuzaga kelgan vaqtda taraflar ushbu holatlar bartaraf etilguniga qadar shartnoma bo'yicha o'zaro majburiyatlarini bajarishdan ozod bo'ladilar.

13.3 Yuzaga kelgan fors-major holatlari haqida hamda ushbu holatlar yakunlanganligi haqida taraf

ushbu holatlar yuzaga kelgan yoki bartaraf etilgan vaqtdan boshlab, 3 bank kuni ichida bu haqda ikkinchi va uchinchi tarafni yozma ravishda xabardor qilishi lozim.

13.4 Fors-major holatlari yuzaga kelganligi yoki bartaraf etilganligi haqidagi xabarnomalar taraflarda mavjud bo'lgan barcha aloqa vositalari orqali yuborilishi mumkin.

14. Nizolarni hal qilish tartibi

14.1 Taraflar mazkur shartnomani bajarish vaqtida yuzaga kelgan kelishmovchilik yoki nizolarni muzokara yo'li(talabnoma va/yoki ogohlantirish xatlari yuborish) bilan hal etadilar.

14.2 O'zaro kelishuv imkoniyati bo'lmaganda, huquqi buzilgan taraf tomonidan yuborilgan talabnoma yoki ogohlantirish xatiga ikkinchi taraf mazkur talabnoma yoki ogohlantirish xatida ko'rsatilgan muddat ichida(agar muddat ko'rsatilmagan bo'lsa 10 kunlik muddat ichida) javob berishi lozim.

14.3 Talabnoma yoki ogohlantirish xati tomonlarga shaxsan topshirish, elektron pochta manziliga yuborish yoki pochta aloqa xizmati orqali buyurtma xat bilan yuborish yo'li bilan amalga oshiriladi.

14.4 Talabnoma yoki ogohlantirish xati yuborilgan taraf, ushbu xatda belgilangan muddatda javob bermagan taqdirda yoki unda ko'rsatilgan majburiyatlarni bajarmagan taqdirda, huquqi buzilgan taraf O'zbekiston Respublikasi qonunchiligida belgilangan tartibda Moliya agentining UB XO/MBO/BXO joylashgan hududdagi sudga hal etiladi.

14.5 Mazkur shartnomada ko'zda tutilmagan, u bilan bog'liq bo'lgan barcha munosabatlar O'zbekiston Respublikasi qonunchiligi bilan tartibga solinadi.

15. Taraflarning qayd etish ma'lumotlari va imzolari

MOLIYA AGENTI: CHEKI "Hamkorbank" ATB _____ bank xizmatlari ofisi Manzil: MFO: 00083 STIR: 200242936 Hisob raqam: _____ Aloqa markazi: 0 (800) 1-200-200, 1256 E-mail: contact@hamkorbank.uz Boshqaruvchi: _____ M.O'.	MIJOZ: Mijoz nomi: Manzil: MFO: STIR: Hisob raqam: Rahbari: Bosh hisobchi: M.O'.
QARZDOR: Qarzdor nomi: Manzil: MFO: STIR: Hisob raqam: Rahbari: Bosh hisobchi: M.O'.	